

Պրոբատորներ բոլոր երկրների, միացե՛ք

ՀԿՊ ԿԵՆՏՐՈՆԻ  
ՊՐՈԳԱԳԱՆԴԱՅԻ ԵՎ  
ԱԳԻՏԱՅԻԱՅԻ ԲԱԺԻՆ

# ԱԳՐԱՄԱՐՈՐԻ ԲԼՈԿՆՈՏ

№ 15

ՕԳՈՍՏՈՍ

1958

ОБЯЗАТЕЛЬНЫЙ  
ЭКЗЕМПЛЯР

# ԲՈՎԱՆԴԱԿՈՒԹՅՈՒՆ

էջ

Նյութեր գրույցների համար

Խաղաղասեր ժողովուրդների ձայնը . . . . .	1
Օգնությոն ագիտակցեցվելու ղեկավարներին Ա. ՔՈԹԱՆՋՅԱՆ— Աշխատավորների շրջանում մասնաշաղկան-քաղաքական աշխատանքի մի քա- նի ձևերի մասին . . . . .	10
Ագիտացիոն աշխատանքի փորձից Լ. ՄԱՐՏԻՐՈՍՅԱՆ— Զրույց ստանձնած պարտա- վորությունների կատարման մասին . . . . .	18
Օգտագործիչ գրույցի ժամանակ ՍՍՌՄ ժողովրդական տնտեսության նոր հանգու- թյունները (թվեր և փաստեր) . . . . .	23
Քիմիան ծառայում է ժողովրդի բարօրությանը . . . . .	30
Ժողովրդական դեմոկրատիայի երկրներում Կոլտուրական շինարարությունը Ասիայի ժողո- վրդա-դեմոկրատական երկրներում . . . . .	33
Աշխարհի փառեզրի առջև Մ. ՀՈՎՀԱՆՆԻՍՅԱՆ— Իրաքի Ռեպուբլիկան (տե- ղեկանք) . . . . .	41

Խմբագրության հասցեն— Երևան, ՀԿՊ Կենտկոմ,  
II հարկ, 60-րդ սենյակ: Հեռախոս՝ 2—52—78:


ՆՅՈՒԹԵՐ ԶՐՈՒՅՑՆԵՐԻ ՀԱՄԱՐ

## ԽԱՂԱՂԱՍԵՐ ԺՈՂՈՎՈՒՐԴՆԵՐԻ ԶԱՅՆԸ

Հուլիսի 15-ին ամերիկյան 6-րդ ռազմա-  
ծովային նավատորմի նավերը մտան Բեյ-  
րութի նավահանգիստը և ծովային հետևակ  
ափ հանեցին Լիբանանի տերիտորիայում:  
Ամերիկայի Միացյալ Նահանգների ռազմա-  
մունքները կոպիտ կերպով խախտելով Միա-  
վորված Ազգերի Կազմակերպության Կանո-  
նադրությունը և ոտնահարելով միջազգա-  
յին իրավունքի բոլոր նորմաները զինված  
ինտերվենցիա սկսեցին Լիբանանում:

Հետևելով իրենց ամերիկյան պարտնյորնե-  
րին՝ Եգիպտոսում ջախջախված անգլիական  
գաղութարարները դեսանտային զորքեր ի-  
ջեցրին Հորդանանում: Ամերիկա-անգլիա-  
կան ռազմական ինտերվենցիան Լիբանա-  
նում և Հորդանանում շարունակվում է ու  
գնալով ընդլայնվում:

Մերձավոր ու Միջին Արևելքում իրենց  
գաղութային տիրապետության հիմքերի  
խարխլման հետևանքով տազնապ ապրող



5191-58



ամերիկա-անգլիական իմպերիալիստները, դիմելով ռազմական ինտերվենցիայի, նպատակ ունեն արյան մեջ խեղդել իրենց անկախության համար մարտնչող արաբական ժողովուրդների ազատագրական պայքարը, էլ ավելի սրել միջազգային լարվածությունը, սանձազերծել նոր, աշխարհավեր պատերազմ:

Ամերիկա-անգլիական ավանտյուրիստների ագրեսիվ գործողությունները ոչ միայն լրկտի պրովոկացիա են Արաբական Արևելքի երկրների նկատմամբ, այլև ահավոր սպառնալիք ամբողջ աշխարհի խաղաղությանը: Աշխարհը հասցված է մեծ աղետի եզրին, նորից մթափնել է երկնակամարը և նրանում շրջում են պատերազմի սև ամպերը: Ահա թե ինչու բոլոր երկրների առաջագեմ մարգիկ, նրանք, ում համար անշափ թանկ ու պաշտելի է խաղաղությունը, միահամուռ ցանումով դատապարտելով ռազմատենչ իմպերիալիստներին, պահանջում են վճռական միջոցների դիմել վերահաս աղետը կանխելու համար: Ամբողջ աշխարհով մեկ բարձրացել է զայրույթի և ատելության հզոր ալիքն ընդդեմ պատերազմի հրձիգների: Միլիոնավոր խաղաղասեր մարդիկ, երկրագնդի բոլոր ծայրերում, բոլոր աշխարհամասերում,

— 2 —

պահանջում են անհապաղ դադարեցնել կրակի հետ կատարվող խաղը, վերջ տալ ռազմական ինտերվենցիային Միջին ու Մերձավոր Արևելքում:

Պատմության այս ահեղ ժամին Սովետական Միությունը, որը միշտ հանդես է գալիս հանուն խաղաղության ամբողջ աշխարհում, անում է ամեն ինչ իրադարձությունների ղեկը պատերազմի ուղուց դեպի խաղաղության ուղին վճռականորեն շուռ տալու համար:

Սովետական կառավարության հուլիսի 16-ի և հուլիսի 18-ի Հայտարարությունների մեջ, որոնք արժանացան մեր երկրի աշխատավորների ջերմ հավանությանն ու միահամուռ պաշտպանությանը, մինչև վերջ մերկացված են պատերազմի հրձիգների՝ զանազան պատրվակներով իրենց զինված հարձակումն արդարացնելու փորձերը: ՍՍՌՄ Մինիստրների Սովետի նախագահ ընկ. Ն. Ս. Խրուշչովը ուղերձներով դիմեց ԱՄՆ-ի պրեզիդենտ Դ. Էյզենհաուերին, Սեծ Բրիտանիայի պրեմիեր-մինիստր Հ. Մակմիլանին, Ֆրանսիական Ռեսպուբլիկայի մինիստրների խորհրդի նախագահ Շ. դը Գոլին, Հնդկաստանի պրեմիեր-մինիստր Զ. Նեքրուին:

Ն. Ս. Խրուշչովի ուղերձներում հստակո-

— 3 —



րեն ընդգծված է ստեղծված դրության լըր-  
ջությունը և ցույց է տրված այդ շրջանում  
կոնֆլիկտը կանխելու ճիշտ ուղին: Այդ ու-  
ղերձները, ինչպես նաև Սովետական կա-  
ռավարության հայտարարությունները մի-  
ջազգային կարևոր նշանակություն ունեցող  
վավերագրեր են:

Սովետական կառավարության առաջարկը՝  
Մերձավոր ու Միջին Արևելքում ստեղծված  
կոնֆլիկտը լուծելու նպատակով խոշոր տե-  
րությունների կառավարութայունների ղեկա-  
վարների խորհրդակցություն հրավիրելու մա-  
սին, մեծ գոհունակությամբ ընդունվեց բոլոր  
երկրների աշխատավորների կողմից: Սովե-  
տական Միության նոր, խաղաղասիրական  
նախաձեռնությունը պաշտպանեցին շատ ու  
շատ երկրների կառավարութայուններ, քաղա-  
քական պարտիաներ, պետական ու հասա-  
րակական գործիչներ, մասսայական կազ-  
մակերպութայուններ:

Համաշխարհային հասարակական կարծի-  
քի ճնշման տակ արևմտյան տերութայունների  
ղեկավարները ևս հարկադրված եղան ար-  
տահայտվելու բանակցութայուններ վարելու,  
Անվտանգութային խորհրդի շրջանակներում  
պետութայունների ղեկավարների խորհրդակ-  
ցություն հրավիրելու և նրանում Մերձավոր

— 4 —

ու Միջին Արևելքում ստեղծված դրության  
հարցը քննարկելու օգտին:

Ներկայումս, երբ խաղաքարտի վրա է դր-  
ված մարդկութային բախտն ու ճակատագիրը,  
ամենամիտքը հապաղումը անգամ կարող է  
միայն վնասել գործին: Ոչ-ոքի իրավունք չի  
տրված խուլ ձևանալ և չլսել միլիոնավոր  
խաղաղասեր մարդկանց հզոր ձայնը, որոնք  
պահանջում են հանգցնել համաշխարհա-  
յին հրդեհի օջախը Մերձավոր ու Միջին  
Արևելքում:

— Ագրեսիան պետք է դադարեցվի, խաղա-  
ղութայունը պետք է ապահովվի: Այդ են պա-  
հանջում աշխարհի բոլոր խաղաղասեր մար-  
դիկ:

Մեր անժայռածիր հայրենիքի բոլոր քա-  
ղաքներում ու գյուղերում, ժողովրդական  
դեմոկրատիայի երկրներում, աշխարհի բո-  
լոր ծայրերում, այս օրերին տեղի են ունե-  
նում բողոքի ցույցեր ու միտինգներ: Ամե-  
րիկյան ու անգլիական գաղութարարներին  
անարգանքի սյունին են դամում և՛ սովե-  
տական մարդիկ, և՛ չինացիք ու հնդիկները,  
և՛ չեխերն ու բարի կամքի տեր բոլոր մար-  
դիկ, նրանք, որոնց համար ատելի է պա-  
տերազմը:

Անհուն ցասումով են լցված նաև Սովետա-

— 5 —



կան Հայաստանի աշխատավորների սրտերը: Ռեսպուբլիկայի ձեռնարկություններում, կոլտնտեսություններում, սովխոզներում, պետական հիմնարկներում տեղի ունեցած միտինգներում Հայաստանի աշխատավորները, իրենց համակրանքն արտահայտելով արաբական ժողովուրդների նկատմամբ, միահամուռ պաշտպանեցին Սովետական կառավարության հայտարարությունները: Հայ ժողովուրդը, նշավակելով ագրեսորներին և բողոքի իր ձայնը միացնելով սովետական ժողովրդի հուժկու ձայնին, միաբերան պահանջեց.

— Ձեռքներդ հեռու կիբանանից, Հորդանանից, Իրաքից: Ագրեսորներ դուրս Մերձավոր ու Միջին Արևելքից:

Երևանի Ս. Մ. Կիրովի անվան գործարանի բանվորների և ծառայողների բազմամարդ միտինգում, առաջինը ելույթ ունենալով, ապարատավար Պ. Ուլիկյանն ասաց.

— Ես երկար տարիներ ապրել եմ Եգիպտոսում, կիբանանում և Իրաքում: Արաբները խաղաղություն և աշխատանք սիրող մարդիկ են: Առաջին համաշխարհային պատերազմի տարիներին, երբ թույլ դահիճները թափում էին հարյուր հազարավոր հայերի արյունը, արաբները եղբայրական օգնու-

— 6 —

թյան ձեռք մեկնեցին մեզ, ապաստան տվեցին մեր հայրերին ու մայրերին: Այդ բանը մենք երբեք չենք մոռանա: Ներկայումս, նոր արաբական երկրների անկախությանը լուրջ վտանգ է սպառնում և այնտեղ պատերազմի սպառնալիք է ստեղծվել, մենք անտարբեր մնալ չենք կարող: Դրա համար էլ մենք միաբերան ասում ենք՝ պարոնայք իմպերիալիստներ դուրս Արաբական Արևելքից, անցել է գաղութարարության դարը, միևնույն է դուք չեք կարող պատմության անիվը շրջել դեպի ետ:

Ախուրյան գյուղի կոլտնտեսականների միտինգում ցասումնալից ելույթ ունեցավ կոլտնտեսության ագրոնոմ Մանիկ Ոսկանյանը. նա ասաց,

— Մենք սովետական կանայքս լավ գիտենք թե ինչ է նշանակում պատերազմ: Մեր հիշողությունից դեռ չեն ջնջվել երկրորդ համաշխարհային պատերազմի սարսափները, նրա պատճառած զոհերը, տառապանքները:

Նոր պատերազմը նշանակում է նոր զոհեր, նոր որբեր ու հաշմանդամներ, ավերված քաղաքներ ու գյուղեր: Մենք ատում ենք պատերազմը և թույլ չենք տա իմպերիալիստներին, որ նրանք մի կաթիլ նավթի համար խմեն արաբական ժողովուրդների արյունը:

— 7 —



Մենք ավելի սերտորեն կհամախմբվենք հա-  
րազատ պարտիայի ու կառավարության շուր-  
ջը, մեր անձնվեր աշխատանքով կամրա-  
պնդենք խաղաղությունը: Կորչի՝ պատերազ-  
մը, կորչեն գաղութարարները:

Ամենուրեք աշխատավորների միտինգնե-  
րում ընդունվեցին բանաձևեր:

Ահա ինչ են գրել իրենց բանաձևում Երևա-  
նի վ. Ի. Լենինի անվան էլեկտրամեքենաշի-  
նական գործարանի բանվորները, ինժեներա-  
տեխնիկական աշխատողները և ծառայող-  
ները:

«Մենք զայրացած ենք ամերիկյան կառա-  
վարության գործողություններից և վճռակա-  
նորեն բողոքում ենք նրա ագրեսիվ քայլերի  
դեմ, որովհետև գտնում ենք, որ այդ գործո-  
ղությունները նոր, աշխարհակործան պատե-  
րազմի սպառնալիք են ներկայացնում: Մենք  
անվերապահորեն պաշտպանում ենք Սովե-  
տական կառավարության Հայտարարու-  
թյունը: Դիմում ենք ամերիկյան կառավա-  
րությանը՝ պահանջելով նրանից անհապաղ  
վերջ տալ ագրեսիային, հարցականի տակից  
դուրս բերել մարդկության բախտը: Մեր  
սրտի ձայնով գոչում ենք.

Ձեռքներդ հեռու արաբական երկրներից,

— 8 —

Թող նրանք կառուցեն իրենց ազատ ու եր-  
ջանիկ կյանքը»:

Օրը-օրին ավելի է աճում խաղաղության  
մարտիկների բանակը, ավելի բարձր է ծա-  
ծանվում խաղաղության վեհ դրոշը: Վստահ  
իրենց ուժերի նկատմամբ, լցված ագրեսիան  
խափանելու վճռականությամբ, ժողովուրդ-  
ները շարունակում են պայքարը բաղձալի  
խաղաղության համար:

Օրերս Ստոկհոլմում իր աշխատանքն ա-  
վարտեց Զինաթափման և Միջազգային հա-  
մագործակցության համաշխարհային կոնգ-  
րեսը: Արտահայտելով աշխարհի բոլոր խա-  
ղաղասեր մարդկանց իղձերն ու ձգտումները  
կոնգրեսը պահանջեց արագ և վճռական  
միջոցների դիմել Մերձավոր ու Միջին Արև-  
ելքում ամերիկա-անգլիական ագրեսիան  
կանխելու, կայուն և տևական խաղաղու-  
թյունն ապահովելու համար:

Կասկած լինել չի կարող, որ աշխարհի բո-  
լոր ազատասեր մարդկանց ցասումի հզոր  
ալիքը ճանապարհից դեն կնետի ագրեսորնե-  
րին, մարդկությանը կփրկի պատերազմի  
սպառնալիքից:



# ԱՇԽԱՏԱՎՈՐՆԵՐԻ ՇՐՋԱՆՈՒՄ ՄԱՍՍԱՅԱԿԱՆ- ՔԱՂԱՔԱԿԱՆ ԱՇԽԱՏԱՆՔԻ ՄԻ ՔԱՆԻ ՁԵՎԵՐԻ ՄԱՍԻՆ

Ա. ՔՈԹԱՆՋՅԱՆ

ՀԿՊ ԵՐԼԱՆԻ ԲԱՂԱԲԱՅԻՆ ԿՈՄԻՏԵԻ ԱՐՈՒՄԱ-  
ԳԱՆՂԱՅԻ և ԱԳԻՏԱԳԻՂԱՅԻ ԲԱԺՆԻ ՎԱՐԻՉ

Երևանի պարտիական կազմակերպու-  
թյունները վերջին տարիներում կուտակել են  
բնակչության մեջ մասսայական-քաղաքա-  
կան աշխատանք տանելու որոշ դրական  
փորձ, սկսել են օգտագործել ագիտացիոն  
աշխատանքի տարբեր և ավելի արդյունավետ  
ձևեր: Այդ ձևերի թվին են պատկանում  
բանավոր ժողովուրդները, հարց ու պատաս-  
խանի երեկոները, թեմատիկ երեկոների  
կազմակերպումը և այլն:

Կիրովի անվան գործարանի, Կանազի,  
բրդյա նուրբ գործվածքների կոմբինատի,  
Երևանի երկաթուղային հանգույցի և այլ  
պարտկազմակերպությունների կազմակեր-  
պած բանավոր ժողովուրդները կենդանի հե-

— 10 —

տաքրքրություն առաջ բերեցին ունկնդիրնե-  
րի մեջ:

Բանավոր ժողովուրդների ծրագիրը չափա-  
զանց բազմազան է: Այստեղ տրվել են մի-  
ջազգային հարաբերությունների հարցերի,  
գիտության և տեխնիկայի նորությունների,  
քաղաքի և շրջանների զարգացման հեռանը-  
կարների, արտադրության առաջավորների  
նվաճումների, գրականության և արվեստի  
նորությունների մասին ինֆորմացիաներ,  
ցուցադրվել են գեղարվեստական ու դոկու-  
մենտալ ֆիլմեր:

Կիրովի անվան գործարանի պարտիական  
կազմակերպության անցկացրած բանավոր  
ժողովում կային հետևյալ միջոցառումնե-  
րը. ափսոսանքով Ս. Մերգելյանը պատմեց  
նորագույն էլեկտրոնային-մաթեմատիկա-  
կան մեքենաների մասին, հայֆիլմ ստուդիա-  
յի դիրեկտոր Մ. Դավթյանը պատմեց ռես-  
պուբլիկայի կինոարվեստի մասին: Հրավիր-  
ված սպորտսմեն Վ. Ննգիբարյանը իր տպա-  
վորությունները հաղորդեց օլիմպիական  
16-րդ խաղերի մասին: Վերջում ցուցադրվեց  
կինոֆիլմ:

Կանազի կուլտուրայի պալատում կայացած  
բանավոր ժողովին մասնակցում էին 800  
մարդ: Այստեղ մեծ ուշադրությամբ լսվեցին



քաղկոմի հաստիքային դասախոս Ս. Պապ-  
յանի ղեկուցումը «Միջազգային դրության  
հիմնական հարցերի մասին», երաժշտական  
կոմեդիայի թատրոնի դիրեկտոր Վարժապետ-  
յանի ղեկուցումը «Երաժշտական կոմեդիայի  
թատրոնի մասին», կոմպոզիտոր Վ. Տիգ-  
րանյանի ղեկուցումը ռեսպուբլիկայի երա-  
ժրշտական արվեստի նվաճումների մասին:

Երաժշտական կոմեդիայի թատրոնի ներ-  
կա գտնվող դերասանները, Կուլտուրայի պա-  
լատի գեղարվեստական ինքնագործունեու-  
թյան մասնակիցների հետ միասին ցույց  
տվեցին իրենց վարպետությունը: Երեկոյի  
վերջում ցուցադրվեց գեղարվեստական ֆիլմ:

Ներկա գտնվողներից շատերի վկայու-  
թյամբ բանավոր ժուռնալի երեկոն անցավ  
մեծ հաջողությամբ:

Հաշվի առնելով ունկնդիրների կազմը,  
բանավոր ժուռնալը որոշ չափով այլ ձևով  
կազմակերպվեց քաղաքի կոմերիտականնե-  
րի և երիտասարդության համար պետկրկեսի  
շենքում: Այստեղ «Սովետական քաղաքացի-  
ների իրավունքների և պարտականություն-  
ների մասին» բովանդակալից ղեկուցումով  
հանդես եկավ Հայկական ՍՍՌ Արդարա-  
դատության մինիստրի տեղակալ Թադևոս-  
յանը: Այնուհետև երեկոյի մասնակիցները

— 12 —

լսեցին Հայկական ՍՍՌ Մինիստրներին Սո-  
վետին առընթեր Ֆիզկուլտուրայի և սպորտի  
կոմիտեի նախագահ Ա. Խաչիկյանի հակիրճ  
ղեկուցումը միջազգային ասպարեզում սովե-  
տական սպորտի նվաճումների մասին: Եղ-  
րափակիչ մասում ռեսպուբլիկայի լավա-  
գույն մարմնամարզիկները ցուցադրեցին  
իրենց վարպետությունը:

Երեկոն անցավ բովանդակալից և հետա-  
քրքիր: Երևանի երկաթուղային հանգույցի  
պարտիական կազմակերպության անցկաց-  
րած բանավոր ժուռնալի երեկոն նույնպես  
շատ ունկնդիրներ հավաքեց: Այնտեղ անց-  
կացվեցին հետևյալ միջոցառումները. հա-  
կիրճ ինֆորմացիաներ ընթացիկ մոմենտի,  
Երևան քաղաքի հեռանկարային զարգաց-  
ման մասին: Գրող Ս. Խանզադյանը պատմեց  
այն մասին, թե ինչի վրա են՝ աշխատում  
Հայաստանի գրողները, իսկ Կինոստուդիայի  
դիրեկտոր Մ. Դավթյանը՝ արտասահմա-  
նում սովետական կինոֆիլմերի ցուցադր-  
ման մասին: Գրողներ Ա. Սարոյանը, Հ.  
Սահյանը, Գ. Սարյանը, Վ. Վարդանյանը, Ա.  
Շալբոնը հանդես եկան իրենց ստեղծագոր-  
ծություններից հատվածներով: Երաժշտա-  
կան կոմեդիայի թատրոնի արտիստների  
խումբը և ֆիզկուլտուրայի ինստիտուտի էս-

— 13 —



տրադային նվագախումբը շատ հետաքրքիր  
և բովանդակալից համերգ տվեցին: Երեկոն  
ավարտվեց գեղարվեստական ֆիլմի ցուցա-  
դրումով:

Բանավոր ժուռնալների անցկացման  
պրակտիկան՝ ցույց է տալիս, որ մասսայա-  
կան-քաղաքական աշխատանքի այդ ձևը ա-  
ռավել մատչելի ձև է: Բանավոր ժուռնալի ա-  
ռավելությունը կայանում է նրանում, որ այն  
հնարավորություն է տալիս հմտորեն զուգա-  
կցելու քաղաքական ակտուալ հարցերի  
պարզաբանումը աշխատավորների գեղար-  
վեստական և կուլտուրական դաստիարա-  
կության հետ:

Որպեսզի բանավոր ժուռնալները լինեն ա-  
վելի հետաքրքիր և բովանդակալից անհրա-  
ժեշտ է լավ մտածել նրա թեմատիկայի մա-  
սին, բազմազան դարձնել այն, հաշվի առ-  
նելով լսարանի պահանջները:

Քաղաքի պարտիական կազմակերպու-  
թյունները կիրառում են մասսայական-քա-  
ղաքական աշխատանքի նաև այնպիսի ձև,  
ինչպիսին է հարց ու պատասխանի երեկո-  
ները, որոնք աշխատավորների մեջ ոչ պա-  
կաս հաջողություն են ունենում:

Հարցեր հավաքելու համար տարբեր ձևեր  
են օգտագործվում. մի դեպքում, ինչպես այդ

— 14 —

արվում է Կիրովի անվան գործարանում,  
հարցերի համար փակցվում են հատուկ ար-  
կղղիկներ, մյուս դեպքում հարցերը աշխա-  
տավորներից հավաքվում են անմիջականո-  
րեն, դրա համար օգտագործելով լայն մա-  
սայական հավաքները, օրինակ, կինոցուցա-  
դրումից կամ ներկայացման բեմադրումից  
առաջ և այլն:

Հարցերի և պատասխանների երեկոների  
կազմակերպման ժամանակ կարևոր մոմենտ  
է հանդիսանում առաջադրված հարցերին  
պատասխանող մարդկանց ճիշտ ընտրու-  
թյունը: Նորքի, Չարբախի, Ն. Զեյթունի,  
Կանադի կուլտուրայի տներում անցկացված  
հարցերի և պատասխանների երեկոներում  
որպես զեկուցողներ հանդես են եկել պար-  
տիայի քաղկոմի քարտուղարներ, Քաղսովե-  
տի աշխատողներ, մինիստրներ, քաղաքի  
ձեռնարկությունների և հիմնարկությունների  
ղեկավարներ:

Աշխատավորներին հետաքրքրում են մի-  
ջազգային դրության, ներքին քաղաքակա-  
նություն, առևտրի կազմակերպման, քաղաքի  
բարեկարգման և այլ հարցեր:

Հարցերի և պատասխանների ձևով պար-  
տիայի և կառավարության քաղաքականու-  
թյան պարզաբանումը առավել կոնկրետ

— 15 —



բնույթ է ստանում այն պատճառով, որովհետև աշխատավորները պարզ պատկերացում են կազմում հենց այն հարցերի մասին, որոնք նրանց հետաքրքրում են տվյալ պահին:

Պարտիական կազմակերպությունները օգտագործում են մասսայական աշխատանքի նաև այլ ձևեր, օրինակ, թեմատիկ երեկոների կազմակերպումը:

Երիտասարդության համար «ՍՍՌՄ ժողովուրդների բարեկամությունը» թեմայով հետաքրքիր երեկո կազմակերպեց Կանադի կոմերիտական կազմակերպությունը:

Անասնաբուժական ինստիտուտի պարտիական կազմակերպությունը երեկո անցկացրեց հետևյալ թեմայով: Բնակչության մեկ շնչին ընկնող մսի, յուղի և կաթի արտադրությունը հասնել և անցնել ԱՄՆ-ին:

Պարտիայի Երևանի Քաղաքային կոմիտեն քննարկեց բանավոր ժողովների և հարցերի ու պատասխանների երեկոների կազմակերպման ու անցկացման փորձը: Նշվեց, որ դրանք հանդիսանում են ագիտացիոն-մասսայական աշխատանքի մատչելի ձևեր և նրապատում են բանավորների ու ծառայողների քաղաքական և արտադրական ակտիվության բարձրացմանը:

— 16 —

Պարտիայի քաղկոմի բյուրոն պարտիական կազմակերպություններին հանձնարարեց աշխատավորության շրջանում մասսայական-քաղաքական աշխատանքի ժամանակ լայնորեն օգտագործել այդ ձևերը:

Այդ միջոցառումների իրականացումը հնարավորություն կտա մասսայական, քաղաքական աշխատանքը դարձնելու ավելի հետաքրքիր, կենդանի ու մատչելի: Իսկ այդ հանգամանքը պարտիական կազմակերպություններին զգալիորեն կօգնի բարձրացնելու աշխատավորների ստեղծագործական ակտիվությունը, այն ուղղելու դեպի կոմունիստական շինարարության խնդիրների հաջող կատարումը:





## ԶՐՈՒՅՑ ՍՏԱՆԶՆԱԾ ՊԱՐՏԱՎՈՐՈՒԹՅՈՒՆՆԵՐԻ ԿԱՏԱՐՄԱՆ ՄԱՍԻՆ

Խ. ՄԱՐՏԻՐՈՍՅԱՆ

Նրեանի Պահածոների գործարանի բան-  
ջարեղենի ցեխի կարմիր անկյունը աշխա-  
տանքի ընդմիջման ժամերին բազմամարդ է  
լինում: Այստեղ փակված լողուններն ու  
պլակատները, ճաշակով պատրաստված և  
ցուցափեղկերի վրա դասավորված ագիտա-  
ցիոն նյութերը պատմում են Կոմունիստա-  
կան պարտիայի ղեկավարությամբ մեր երկ-  
րի աշխատավորների ձեռք բերած նվաճում-  
ների մասին:

Կարմիր անկյունում փակցված են նաև  
դեղարվեստորեն ձևավորված ցեխի կոլեկ-  
տիվի սոցիալիստական մրցությամբ ստանձ-  
նած պարտավորությունները ու արտադրու-  
թյան առաջավորների լուսանկարները: Հենց  
այստեղ ագիտատոր Դ. Գլոյանը սիստեմա-  
տիկաբար ունկնդիրների համար գրույցներ  
ու ընթերցանություններ է կազմակերպում  
ծանոթացնելով նրանց մեր երկրում տեղի ու-

— 18 —

նեցող կարևորագույն իրադարձություննե-  
րին, պարզաբանում է պարտիայի ու կառա-  
վարության որոշումները: Այդ բոլորից բացի  
նա իր գրույցները հաճախ նվիրում է արտա-  
դրական հարցերին, հատկապես ստանձնած  
պարտավորությունների կատարմանը, պատ-  
մելով ունկնդիրներին գործարանի առանձին  
ցեխերի ու բաժինների աշխատողների ձեռք  
բերած հաջողությունների և այն խնդիրների  
մասին, որը ծառացած է ձեռնարկության  
առջև:

Ագիտատորի պարզ և մատչելի գրույցները  
միշտ էլ սիրով են լսում ունկնդիրները:

Ընթացիկ տարվա առաջին կիսամյակը ա-  
վարտելու և տարվա երկրորդ կիսամյակը  
թևակոխելու կապակցությամբ, օրիս ագի-  
տատոր Գլոյանը իր հերթական գրույցը նվի-  
րեց այն բանին, թե գործարանի կոլեկտիվը  
և ցեխի աշխատողները ինչպես են կատա-  
րում սոցիալիստական մրցությամբ ստանձ-  
նած պարտավորությունները:

— Մեր գործարանը Ստալինյան շրջանի  
այն ձեռնարկություններից է, — ասաց նա, —  
որը ստանձնելով բարձր պարտավորությու-  
ններ, խոսք է տվել 1958 թվականի պետական  
պլանը ժամկետից շուտ կատարել:

Մրցությամբ ստանձնած պարտավորու-

— 19 —



թյունների անթերի կատարումը ապահովելու նպատակով,— շարունակում է նա,— ընթացիկ տարում գործարանի արտադրական և օժանդակ ցեխերում տեղադրվեցին բարձր արտադրողականությամբ աշխատող նորագույն սարքավորումներ ու ագրեգատներ:

Ագիտատորը համառոտակի պատմում է, թե որ ցեխում ինչպիսի միջոցառումներ է անցկացված տեխնիկական ավելի արդյունավետ օգտագործելու համար: Այս տարի,— շարունակում է նա,— մեր ցեխում տեղադրվեցին կանաչ ոլորի և լոբու արդյունաբերական մշակման մեքենայացված հարահոս ագրեգատներ: Տեղադրված են նաև բուլղարական տիպի խորտկային պահածոներ արտադրող նոր սարքավորումներ, լայնացվեց ավտոկլավի բաժանմունքը: Բացի այդ մեքենայացման ենթարկվեցին նաև աշխատատար մի շարք պրոցեսներ:

Ագիտատորը կոնկրետ օրինակներ է բերում, թե ինչպիսի խոշոր ազդեցություն ունեցան տեխնիկական բարեփոխությունները իրենց ցեխի արտադրական պլանների կատարման գործում:

— 1957 թվականին, մեր ցեխի կոլեկտիվը արտադրական պլանը կատարեց 86,6 տոկոսով,— ասում է ագիտատորը, իսկ այս

— 20 —

տարի անընդհատ գերակատարվում են արտադրական պլանները: Օրինակ, հունիսի արտադրական պլանը կատարվեց 132 տոկոսով:

Այնուհետև ագիտատորը ունկնդիրներին պատմում է, թե ով, ինչպես է կատարում նոր տեխնիկական լրիվ կարողությամբ օգտագործելու մասին իր ստանձնած պարտավորությունները: Նա նշում է, որ առանձնապես բարձր արտադրողականությամբ է աշխատել բանջարեղենի հերթափոխը, որը սոցիալիստական մրցության մեջ ճանաչվել է հաղթող և արժանացել գործարանի փոխանցիկ դրոշին: Ագիտատորը գովեստով է խոսում նաև մրցակից մրգի ցեխի կոլեկտիվի մասին, որը առաջին կիսամյակի պլանը կատարել է 109 տոկոսով:

— Ցեխերում, հերթափոխություններում ու բրիգադաներում ծավալված գործարար մրցության շնորհիվ,— ասում է ագիտատորը,— գործարանը ընթացիկ տարվա առաջին կիսամյակի համախառն արտադրանքի պլանը կատարեց 116,8 տոկոսով, իսկ պահածոների թողարկման պլանը՝ 122 տոկոսով: Նույն ժամանակաշրջանում աշխատանքի արտադրողականությունը բարձրացել է 10 տոկոսով: Այդ նշանակում է, որ այս տար-



վա առաջին կիսամյակում, անցյալ տարվա նույն ժամանակամիջոցի համեմատությամբ, յուրաքանչյուր բանվոր 4.600 ուրվու ալեկի արտադրանք է տվել:

Ավարտելով իր զրույցի առաջին մասը, ագիտատորը հանգամանորեն խոսում է նաև առաջիկայում գործարանի, մասնավորապես բանջարեղենի ցեխի առջև դրված խնդիրների մասին:

— Երկրորդ կիսամյակում, — ասում է ագիտատորը, — գործարանը բնակչությանը տալիս է 30 միլիոն տոփի պահածո, որից բանջարեղենի ցեխը՝ 7 միլիոն տոփի: Ինչպես ձեզ հայտնի է գործարանի կոլեկտիվը պարտավորվել է 1958 թվականի արտադրական պլանը կատարել ժամկետից 25 օր շուտ: Նա բազմաթիվ կոնկրետ օրինակներով ցույց է տալիս այն լայն հնարավորությունները, որ կան գործարանում արտադրական պլանները ժամկետից շուտ կատարելու համար:

Զրույցի վերջում ագիտատորը ունկնդիրներին հիշեցնում է եղբայրական Վրաստանի Գորիի, Ադրբեջանի Խաչմասի և Օդեսսայի Վորոշիլովի անվան պահածոների գործարանների աշխատողների հետ կնքված սոցմրցության մասին:

---

#### ՕԳՏԱԴՈՐՄԵՐ ԶՐՈՒՅՅԻ ԺԱՄԱՆԱԿ

---

## ՍՍՈՄ ԺՈՂՈՎՐԴԱԿԱՆ ՏՐՏԵՍՈՒԹՅԱՆ ՆՈՐ ՀԱՋՈՂՈՒԹՅՈՒՆՆԵՐԸ

(ԹՎԵՐ ԵՎ ՓԱՍՏԵՐ)

Ամեն օր մեր մեծ երկրի տասնյակ հազարավոր արդյունաբերական ձեռնարկություններից, կոլտնտեսություններից, սովխոզներից և ՆՏԿ-ներից ուրախալի լուրեր են ստացվում ձեռք բերված նոր հաջողությունների մասին:

ՍՍՈՄ Միևիսարների Սովետին առընթեր կենտրոնական Վիճակագրական վարչության կողմից օրերս հրապարակված հաղորդագրությունը ամփոփում է ՍՍՈՄ ժողովրդական տնտեսության այն նոր հաջողությունները, որ նա ձեռք է բերել այս տարվա առաջին կիսամյակում: Ահա թվեր և փաստեր այդ մասին:

☆ ՍՍՈՄ արդյունաբերության համախառն արտադրանքի առաջին կիսամյակի պլանը կատարվել է 104 տոկոսով: 1957 թվականի առաջին կիսամյակի համեմատությամբ, արդյունաբերական արտադրանքի արտադրությունը ալեկացել է 10,5 տոկոսով:

☆ Բոլոր միութենական ռեսպուբլիկաները գերա-

կատարել են առաջին կիսամյակի համախառն արտադրանքի թողարկման և արտադրանքի կարևորագույն տեսակների մեծ մասի պլանը՝ Պլանը կատարել ու զերակատարել են բոլոր ժողտնտխորհները, բացի Սախալինի ժողտնտխորհից։ Մեր ռեսպուբլիկան պլանները կատարել է 105 տոկոսով, որը անցյալ տարվա նույն ժամանակաշրջանի համեմատությամբ կազմում է 113 տոկոս։

☆ 1958 թվականի առաջին կիսամյակում, 1957 թվականի նույն ժամանակաշրջանի համեմատությամբ, սև և գունավոր մետալուրգիայի արդյունաբերության արտադրանքը ավելացել է 109 տոկոսով, վառելիքային ու էներգետիկ արդյունաբերությանը՝ 110 տոկոսով, մեքենաշինությանն ու մետաղամշակությանը՝ 114 տոկոսով, քիմիական և ռետինի արդյունաբերությանը՝ 113 տոկոսով, սննդի արդյունաբերությանը՝ 105 տոկոսով։

☆ Այս տարվա առաջին կիսամյակում մեր երկրում արտադրվել է 19,3 միլիոն տոննա չուգուն, 27 միլիոն տոննա պողպատ, 21,3 միլիոն տոննա գլանվածք, 2,2 միլիոն տոննա պողպատե խողովակներ, 25 միլիոն տոննա կոքս, 43,2 միլիոն տոննա երկաթաքար։

☆ Մեծ հաջողություններ են ձեռք բերված վառելիքային և էներգետիկ արդյունաբերության գծով։ Նույն կիսամյակում արտադրվել է 54 միլիոն տոննա նավթ, 245 միլիոն տոննա ածուխ, 13,1 միլիարդ խո-

— 24 —

րանարդ մետր բնական գազ, 114 միլիարդ կիլովատ ժամ էլեկտրաէներգիա։

☆ Կիսամյակում արտադրվել են 6,2 միլիոն տոննա հանքային պարարտանյութեր, 844 հազար տոննա կալցիացված սոդա, 2,4 միլիոն տոննա ծծմբաթթու։

☆ Խոշոր հաջողություններ են ձեռք բերված ավտոարդյունաբերության բնագավառում։ Այս տարվա վեց ամսում արտադրվել է 255 հազար ավտոմոբիլներ, այդ թվում՝ 194 հազար բեռնատար ավտոմոբիլներ և ավտոբուսներ, 61 հազար մարդատար ավտոմոբիլներ և 7,1 միլիոն ավտոդռեր։

☆ Մեր երկրի ձեռնարկությունները հագեցվել և դեռ կհագեցվեն ժամանակակից ու ավելի կատարելագործված սարքավորումներով։ Միայն այս տարվա առաջին կիսամյակում արտադրվել է 86,8 հազար տոննա մետալուրգիական սարքավորում, կես միլիարդ ռուբլու արժողությամբ քիմիական սարքավորում, 35,3 հազար տոննա նավթային ապարատուրա, 3,2 միլիոն կիլովատ շոգնատրբիչներ, գազային և հիդրավլիկ տուրբիններ և նույն տուրբինների համար 2,4 միլիոն կիլովատ գեներատորներ, 2,8 հազար էլեկտրական խոշոր մեքենաներ, 1,1 միլիոն էլեկտրաշարժիչներ, 55 միլիոն էլեկտրավակուումային սարքեր, 69 հազար մետաղահատ հաստոցներ, 12,5 հազար դարբնա-մամլակային մեքենաներ։

☆ Անընդհատ վիթխարի շափերով ավելանում է գյուղատնտեսական մեքենաների թողարկումը։ Առա-

— 25 —



ջին կիսամյակում արտադրվել է 109 հազար (ֆիզիկական միավոր) տրակտոր, 111 հազար տրակտորային շարժացան, 37 հազար տրակտորային հնձիչ, 6 հազար հատիկագտիչ մեքենա:

☆ Երկաթուղային տրանսպորտի համար 1958 թվականի վեց ամսում արտադրվել է 320 մագիստրալային ջերմաքարշեր, 176 մագիստրալային էլեկտրաքարշեր, 20,3 հազար մագիստրալային բեռնատար վագոններ, 963 մագիստրալային մարդատար վագոններ:

☆ Շինարարական կարիքների համար առաջին կիսամյակում արտադրվել է 19,9 միլիոն տոննա ցեմենտ, 1 միլիարդ 160 միլիոն պլաստիկ սալիկ շիֆեր, 66,3 միլիոն քառակուսի մետր լուսամուտի ապակի, 315 միլիոն քառակուսի մետր փափուկ ծածկ, 12 միլիարդ աղյուս (առանց կոլտնտեսությունների արտադրածի), 8 միլիոն խորանարդ մետր հավաքովի երկաթբետոնե կոնստրուկցիաներ և դետալներ, 4,2 միլիոն քառակուսի մետր բնակելի մակերես՝ ստանդարտ տներ, ստանդարտ ու տիպային տների դետալների կոմպլեկտներ:

☆ Բնակչության կարիքների համար արտադրվել է 82 հազար տոննա արհեստական և սինթետիկ թել, 2,9 միլիարդ մետր բամբակե, 146 միլիոն մետր բրդե, 238 միլիոն մետր վուշե, 419 միլիոն մետր մետաքսե գործվածքներ, 439 միլիոն զույգ գուլպեղեն, 175 միլիոն զույգ կաշվե և 13,9 միլիոն զույգ թաղիքե կոշիկ:

☆ Նույն ժամանակամիջոցում արտադրվել է նաև

— 26 —

12,1 միլիոն ժամացույց, 708 հազար լուսանկարչական ապարատ, 2 միլիոն ռադիոընդունիչ, 459 հազար հեռուստացույց, 181 հազար տնային սառնարան, 250 հազար լվացքի մեքենա, 1,3 միլիոն տնային կարի մեքենա, 1,8 միլիոն հեծանիվ և մոտոհեծանիվ, 31,9 հազար դաշնամուր և ռոյալ:

☆ Սննդի արդյունաբերությունն առաջին կիսամյակում երկրին տվել է կես միլիոն տոննա երշիկեղեն, 1,4 միլիոն տոննա ձուկ, 9,8 միլիոն տոննա կենդանական չուղ, 842 հազար տոննա հրուշակեղեն, մեկ միլիարդ 123 միլիոն պլաստիկական տուփ պահածոներ և այլն:

☆ Արդյունաբերական արտադրանքի վերը հիշված հիմնական տեսակների արտադրությունը 1958 թվականի առաջին կիսամյակում, 1957 թվականի առաջին կիսամյակի համեմատությամբ, ավելացել է 102 տոկոսից մինչև 230 տոկոս:

☆ Ընթացիկ տարվա առաջին կիսամյակում մոտավորապես 900 հազար գյուղտարարներ և ռացիոնալիզատորներ մտցրել են մեկ միլիոն 300 հազար առաջարկ: Այդ նույն ժամանակամիջոցում ժողովրդական տնտեսության մեջ արմատավորվել է ավելի քան 750 հազար գյուտ և ռացիոնալիզատորական առաջարկ:

☆ Նույն ժամանակամիջոցում աճել է աշխատանքի արտադրողականությունը: 1957 թվականի առաջին կիսամյակի համեմատությամբ, 1958 թվականի առաջին կիսամյակում արդյունաբերության մեջ աշխատող

բանվորների աշխատանքի արաադրողականությունը աճել է 6 տոկոսով, շինարարության մեջ 10 տոկոսով:

ՍՍՌՄ ժողովրդական տնտեսության մեջ աշխատող բանվորների և ծառայողների թիվը վեց ամսում աճել է մեկ միլիոնով:

☆ Պարտիայի և կառավարության կողմից իրագործվող միջոցառումների շնորհիվ վիթխարի հաջողությունների է հասել մեր երկրի գյուղատնտեսությունը: Անցյալ տարվա համեմատությամբ գյուղատնտեսական բոլոր կուլտուրաների ցանքատարածություններն այս տարի ընդարձակվել է մեկ ու կես միլիոն հեկտարով:

☆ Մեր երկրի կուլտնտեսություններն ու սովխոզները 1958 թվականի հուլիսի 1-ի տվյալներով ունեն 43,8 միլիոն գլուխ խոշոր եղջերավոր անասուններ, որից 13,9 միլիոնը կովեր, 34,8 միլիոն գլուխ խոզեր և 119,3 միլիոն գլուխ ոչխարներ ու այծեր:

☆ Անցյալ տարվա համեմատությամբ ՍՍՌՄ-ում խոշոր եղջերավոր անասունների գլխաքանակը աճել է 4,5 միլիոնով, այդ թվում կովերինը՝ 900 հազար գլխով, խոզերինը՝ 3,3 միլիոնով, ոչխարներինը և այծերինը՝ 8,3 միլիոնով: Թռչունների թիվն ավելացել է 15 տոկոսով: Ավելացել է կուլտնտեսականների, բանվորների և ծառայողների սեփական անասունների գլխաքանակը:

☆ Կուլտնտեսություններում և սովխոզներում անասնաբուժական մթերքների պետական մթերոմներն ու գնոմները 1957 թվականի նույն ժամանակամիջոցի

— 28 —

համեմատությամբ ավելացել են. անասուններինը՝ 25 տոկոսով, կաթինը՝ 9 տոկոսով, ձվինը՝ 15 տոկոսով, բրդինը՝ 13 տոկոսով:

☆ Այս տարվա հուլիսի 1-ի տվյալներով ՍՍՌՄ կուլտնտեսությունների 65 տոկոսը ՄՏ կայաններից գնել են իրենց անհրաժեշտ տեխնիկան: Կուլտնտեսությունները ձեռք են բերել 406 հազար տրակտոր, 137 հազար կոմբայն և շատ այլ մեքենաներ:

☆ 1958 թվականի առաջին կիսամյակում խոշոր հաջողություններ են ձեռք բերվել նաև տրանսպորտի և կապիտալ շինարարության բնագավառում: Մեծ չափերով ավելացել է տրանսպորտի բեռնաշրջանառությունը, բեռների փոխադրումները, իսկ կապիտալ ներդրումներն ավելացել են 6-ից մինչև 28 տոկոս: Միայն մեր ռեսպուբլիկայում այն կազմում է 133 տոկոս:

☆ Այս հաջողությունների հետ միասին մեծ չափերով բարձրացել է ժողովրդի կյանքի, նյութական բարեկեցության և կուլտուրական մակարդակը:

Կիսամյակում աչքի ընկնող հաջողություններ են ձեռք բերված սոցիալիստական կուլտուրայի բոլոր բնագավառներում:



## ՔԻՄԻԱՆ ԾԱՌԱՅՈՒՄ Է ԺՈՂՈՎՐԴԻ ԲԱՐՈՐՈՒԹՅԱՆԸ

ԱՐԶԵՍՏԱԿԱՆ ԱՈՐՏԱ

Սինթետիկ նյութերը ավելի ու ավելի լայն կիրառություն են գտնում բժշկության մեջ: Վիրավորման, սկզբնական, արյունատար անոթների խցանման ժամանակ, արյունը դադարում է մարդու մարմնի այս կամ այն մասը հոսել: Վիրաբույժները սովորել են արյունատար անոթների վնասված մասերը փոխարինել թափանցիկ, ճկուն պոլիբյուրակներից խողովակով: Հայտնի են դեպքեր, երբ ականջի վնասված թմբկաթաղանթը փոխարինվել է պլաստմասսե բարակ թաղանթով: Իսկ մի նուրբ վիրահատության ժամանակ սրտանոթի վնասված մասը փոխարինվել ենեյլոնի խողովակի 10 սանտիմետր կտրվածքով:

ՉՍՈՒԶՎՈՂ ՆԱՎԱԿ

Փորձարկման էին ենթարկում մի փրկարար նավակ:

Հոգնածությունից ուժասպառ ութ մարդ

— 30 —

անում էին ամեն ինչ, որպեսզի կարողանան ջրասույզ անել շորս տեղանի մի ոչ մեծ նավակ: Նույնիսկ մինչև եզրերը ջրով լցված նավակը առաջվա պես թեթև, ինչպես լողաթաղանթը, մնում էր գետի երեսին:

Զեզ, անշուշտ կհետաքրքրի, թե ինչից էր պատրաստված այդ նավակը: Սովորական պլաստմասսայից: Դա վերին աստիճանի թեթև նյութ է, որը չի ենթարկվում ոչ ժանդոտման և ոչ էլ ջրի քայքայիչ ազդեցության:

Նավակը փորձարկման դիմացավ — նաև ամրության տեսակետից: Ծանր մուրճով քանահինգ անգամ հարվածեցին միևնույն տեղին, սակայն նավակը ոչ մի վնասվածք չառաջացավ:

ՍԻՆԹԵՏԻԿ ՇԱՐԺԻԶ

Ներքին այրման ժամանակակից շարժիչը միանգամայն կատարելագործված մեքենա է: Մեկ րոպեում մոտ 800 անգամ նրա գլաններով անցնում է մեծ լարման կաշծր, բռնկվում է վառելանյութը, միաժամանակ բացվում և փակվում են փականները: Սահուն, առանց ընդհատման աշխատում է այդ փոքրիկ «տեխնիկական հրաշքը», որի վրա մենք վաղուց արդեն դադարել ենք դարմանալ:

— 31 —

Արդյո՞ք այդ լարված մեխանիզմի մեջ տեղ ունեն պլաստմասսաները թե ոչ: Թվում է, թե միայն մետաղն է ընդունակ դիմանալ յոթանասուն ձիաուժանոց շարժիչի արագությանը, ճնշմանը և ջերմությանը: Սակայն դա այդպես չէ: Ի հարկե դեռևս միոցը կամ շուռտվիկ շարժանակը չի կարելի պատրաստել պլաստմասսաներից, սակայն շարժիչում մետաղյա շատ մասեր պետք է փոխարինվեն ավելի էժան և թեթև նյութերով: Պատենատուփի և փոխանցման տուփի պլաստմասսե կափարիչները, զովացնող սիստեմի առանձին մասերը միանգամայն լեակ և հնարավոր բաներ են:

Պոլիէթիլենից պատրաստած խողովակները կփոխարինեն մետաղե խողովակներին: Դրանք ամուր ու ճկուն են և քայքայիչ թթուներից չեն վախենում: Նեյլոնի առանցքակալները, որոնք չեն հալչելու և յուղման կարիք չեն զգալու, բրոնզից ավելի հուսալի կդառնան: Յուղի պոմպի և փոխանցման տուփի ատամնանիվները կպատրաստվեն տեքստոլիտից և ուրիշ փոխարինողներից: Դրանք կաշխատեն փափուկ, անաղմուկ ու երկար:

ԺՈՂՈՎՐԴԱԿԱՆ ԴԵՄՈԿՐԱՏԻԱՅԻ ԵՐԿՐՆԵՐՈՒՄ

ԿՈՒԼՏՈՒՐԱԿԱՆ ՇԻՆԱՐԱՐՈՒԹՅՈՒՆԸ ԱՌԱՅԻ  
ԺՈՂՈՎՐԴԱ--ԴԵՄՈԿՐԱՏԱԿԱՆ ԵՐԿՐՆԵՐՈՒՄ

(ԹՎԵՐ ԵՎ ՓԱՍՏԵՐ)

## Զինական Ժողովրդական Ռեսպուբլիկա

☆ Սկսած 1950 թվականից Չինաստանում ամեն տարի դպրոցներում, տեխնիկումներում, բուհերում, հատուկ և բանվորա-գյուղացիական դպրոցներում, անդրադիտության լիկվիդացման կուրսերում և հեռակա ուսուցման սիստեմում ովորում են 60-ից մինչև 150 միլիոն մարդ:

☆ Երկրի ազատագրումից հետո մոտ 30 միլիոն մարդ արդեն վերացրել են անգրագիտությունը: Ներկայումս անգրագիտության վերացման կուրսերում պարապում են 77 և կես միլիոն մարդ:

☆ Չինական Ժողովրդական Ռեսպուբլիկայի դոյության ութը տարիների ընթացքում տարրական դպրոցներում սովորողների թիվը 24 միլիոնից հասել է 67 միլիոն մարդու, իսկ միջնակարգ դպրոցներում՝ 1,3 միլիոնից մինչև 6 միլիոն: Ներկայումս Չինաստանի տարրական դպրոցներում սովորում է դպրոցա-



կան տարիքի երեխաների 63. տոկոսը, 1949 թվականի 25 տոկոսի փոխարեն:

☆ 1957 թվականին Չինաստանի բարձրագույն ուսումնական հաստատություններում սովորում էին 437 հազար ուսանող և ասպիրանտ: ՉԺՌ-ի բուհերը ութ տարվա ընթացքում բաց են թողել տարբեր պրոֆիլի 369 հազար մասնագետներ՝ 150 հազարով ավելի, քան նախառեղծված Չինաստանի բուհերի կողմից բաց է թողնվել հիսուն տարվա ընթացքում:

☆ Ժողովրդական իշխանության ժամանակ առաջին անգամ կրթության իրավունք ստացավ երկրի ազգային շրջանների բնակչությունը: Այժմ ուսպուրլիկայի զանազան ուսումնական հաստատություններում սովորում են ազգային փոքրամասնությունների պատկանող ավելի քան 3 միլիոն պատանի և աղջիկ:

☆ Ժողովրդական իշխանության օրոք, Չինաստանի պատմության մեջ առաջին անգամ ստեղծվեց Գիտությունների ակադեմիա: 1957 թվականի վերջին նրա տնօրինության տակ էին դառնում 68 գիտահետազոտական ինստիտուտ և հիմնարկություն՝ 5.500 գիտաշխատողներով, ասիստենտներով և պրակտիկանտներով:

☆ Չինաստանի գիտնականները կազմել են գիտության զարգացման 1956—1967 թվականների պլան, որտեղ խնդիր է դրված՝ գիտության և տեխնիկայի այն բնագավառներում, որոնք կարևոր նշանակություն ու-

— 34 —

նեն ՉԺՌ-ի ժողովրդական տնտեսության համար, հասնել համաշխարհային առաջավոր մակարդակին:

☆ Ժողովրդական Չինաստանում լայն զարգացում է ստացել հրատարակչական գործը: ՉԺՌ-ում աշխատում են քաղաքական, գեղարվեստական, օտարերկրյա և տեխնիկական գրականության ավելի քան 100 հրատարակչություններ: 1950 թվականից մինչև 1956 թվականը հրատարակված է գեղարվեստական գրականության ավելի քան 28 հազար անուն ստեղծագործություն, 536 միլիոն օրինակ ընդհանուր տիրաժով: Ամեն ամիս շինական ընթերցողները ստանում են 83 գրական-գեղարվեստական ամսագրեր, որոնք լույս են տեսնում 3 միլիոն 400 հազար օրինակ տիրաժով:

☆ Երկրում լույս են տեսնում 285 խոշոր թերթեր՝ 10 միլիոն 510 հազար օրինակ տիրաժով և 370 ամսագիր՝ 16 միլիոն 688 հազար օրինակ ընդհանուր տիրաժով:

☆ Պետական թատերական կոլեկտիվների հետ միասին Չինաստանում այժմ գոյություն ունեն ավելի քան 2.700 ինքնագործ թատերական կոլեկտիվ: ՉԺՌ-ի բանվորներն ու ծառայողները ձեռնարկություններում կազմակերպել են մոտ վեց և կես հազար ինքնագործ խմբեր և մոտ 10 հազար թատերական խմբեր, որտեղ մասնակցում են 418 հազար մարդ: Ներկայումս երկրում հաշվում է 20 հազար 198 երգեցիկ խումբ, երաժրշտական պարային խմբեր և գրականություն ու

արվեստը սիրողների խմբեր, օրաեղ մասնակցում են 227 հազար մարդ։

☆ Ձինաստանում ստեղծված է ավելի քան 2.500 քաղաքային պալատ և կուլտուրայի տուն և 380 հազար գյուղական ու գործարանային ակումբ։

☆ Ձինական Ժողովրդական Ռեսպուբլիկայում կան 244 խոշոր գրադարաններ՝ 64 միլիոն 500 հազար գրքի ընդհանուր ֆոնդով։ Նրանցից ամենամեծը՝ Պեկինի գրադարանը ունի 17 միլիոն գրքի ֆոնդ։ Բացի դրանից, երկրում աշխատում է ավելի քան 120 հազար գյուղական և 17 հազար գործարանային գրադարան։

☆ 1936 թվականին Ձինաստանում եղել է միայն 300 կինոթատրոն, իսկ այժմ ամբողջ երկրում գործում են ավելի քան 8.600 կինոկետեր։ Այս տարի Ձինաստանի կինոստուդիաները բաց կթողնեն 75 գեղարվեստական ֆիլմեր։

☆ Ժողովրդական Ձինաստանում հաջողությամբ զարգանում են ռադիոհաղորդումները։ 1949 թվականին երկրում կար միայն մոտ 20 ոչ մեծ ռադիոկայաններ 110 կիլովատ ընդհանուր կարողությամբ։ Ներկայումս հաղորդումներ են տալիս մոտ 60 ռադիոկայաններ, որոնց ընդհանուր կարողությունը կազմում է 2.650 կիլովատ։

— 36 —

## Կորեական Ժողովրդա-Դեմոկրատական Ռեսպուբլիկա

☆ 1956 թվականից ԿԺԴՌ-ում մտցված է պարտադիր տարրական կրթություն։ Ռեսպուբլիկայի 4016 տարրական դպրոցներում սովորում են մոտ 1 միլիոն 300 հազար երեխաներ։ Երկրում կա 306 միջնակարգ և ոչ-լրիվ միջնակարգ դպրոց։ Ոչ-լրիվ միջնակարգ դպրոցների թիվը 1944 թվականի համեմատությամբ ավելացել է 38 անգամ։

☆ Երկրում մինչև Ժողովրդական իշխանության հաստատումը ոչ մի բարձրագույն ուսումնական հաստատություն չկար։ Այժմ դրանց թիվը հասնում է քսանի։ Ռեսպուբլիկայում կա նաև 207 տեխնիկումներ և 3.777 տարբեր կուրսեր։

☆ 1952 թվականին ԿԺԴՌ-ում ստեղծվել է Գիտությունների ակադեմիա։ Նրա կազմում կան 8 գիտահետազոտական ինստիտուտներ, 43 սեկտորներ և հրատարակչական բաժին։ Կորեական գիտնականները լուրջ հաջողությունների են հասել գիտահետազոտական աշխատանքում, գիտաշխատողների կադրերի պատրաստման, ուրիշ երկրների հետ գիտական կապերի զարգացման և ամրապնդման ուղղությամբ։

☆ Հետպատերազմյան ժամանակաշրջանում ԿԺԴՌ-ում վերականգնվել և կառուցվել են տասնյակ թատրոններ, 600 կինոթատրոն, 200 ակումբ։

☆ Վերջին երկու տարվա ընթացքում ԿԺԴՌ-ի կի-



նոսրվեստի աշխատողները բաց են թողել ավելի քան 200 գեղարվեստական, դոկումենտալ և գիտա-պատմական ֆիլմեր: 1957 թվականին ռեսպուբլիկայի կինոթատրոններում եղել են 92 միլիոն 200 հազար հանգիստասաններ:

☆ 1957 թվականին ԿԺԴՄ-ի քաղաքներում և գյուղերում գործում էին 73 հազար երաժշտական, դրամատիկական և գեղարվեստական ինքնագործունեության ուրիշ խմբակներ:

☆ Ռեսպուբլիկայում հրատարակվում են 28 կենտրոնական և տեղական թերթեր, աշխատում են 10 ուղիովիկայաններ:

## **Մոնղոլական Ժողովրդական Ռեսպուբլիկա**

☆ Մինչև ժողովրդական ռևոլյուցիան Մոնղոլիայում ոչ մի հանրակրթական դպրոց չկար: Բնակչությունը համարյա ամբողջովին անգրագետ էր:

Այժմ ՄԺՄ-ում չափահաս բնակչության ավելի քան 99 տոկոսը գրագետ է: Այստեղ այժմ սովորում է յուրաքանչյուր վեցերորդ մարդը:

☆ Նրկրում կան 432 դպրոցներ, 16 տեխնիկումներ և 4 բուհեր: Ազգային որակյալ կադրերի պատրաստման խոշորագույն կենտրոն է Չոյբալսանի անվան Մոնղոլական պետական համալսարանը, որը ստեղծվել է 15 տարի առաջ: Այստեղ սովորում են 2.590 մարդ:

— 38 —

☆ Մոնղոլիայում բնակչության ամեն մի հազար հոգուն ընկնում է 20 մասնագետ՝ բարձրագույն կամ միջնակարգ կրթությամբ: Բարձրագույն կրթություն ունեցողների 20 տոկոսը կանայք են:

☆ Բնակչության ամեն մի տասը հազար մարդուն ընկնող բարձրագույն ուսումնական հաստատությունների ուսանողների թվով Մոնղոլիան առաջ է անցել այնպիսի երկրներից, ինչպիսին են Իտալիան, Թուրքիան, Պակիստանը և Իրանը:

☆ Մոնղոլական Ժողովրդական Ռեսպուբլիկայում լայն ասպարեզ է բացված արվեստի զարգացման համար: Նրկրում աշխատում են մի քանի երաժշտական-դրամատիկական թատրոններ, ժողովրդական երգի և պարի անսամբլներ, գեղարվեստական ուսումնարաններ, մանկական երաժշտական և խորեոգրաֆիկ դպրոց, գեղարվեստական ինքնագործունեության հարյուրավոր խմբեր: ՄԺՄ-ի թատրոններում ներկայացվում են մոնղոլական և արտասահմանյան հեղինակների ստեղծած ներկայացումներ և օպերաներ:

☆ ՄԺՄ-ում լույս են տեսնում 26 թերթ և 15 ամսագիր:

## **Վյետնամի Դեմոկրատական Ռեսպուբլիկա**

☆ ՎԴՄ-ի կազմավորման պահից, 1945 թվականից մինչև 1954 թվականը երկրում գրագիտություն է սո-

— 39 —

վորել 11 միլիոն մարդ։ Ռեսպուբլիկայի կառավարութ-  
յունը մշակել է անգրագիտության վերացման 1956 —  
1958 թ. թ. եռամյա պլանը։ 1955—1957 թվականներին  
անգրագիտությունը վերացրել են մոտ 1 միլիոն 200  
հազար մարդ։ 1958 թվականին անգրագիտության վե-  
րացման աշխատանքը լիովին ավարտվել է։

☆ 1939 թվականին տարրական և միջնակարգ դըպ-  
րոցներում սովորողների թիվը երկրում կազմում էր  
300 հազար մարդ։ Ներկայումս ՎԴՌ-ում դպրոց են  
հաճախում ավելի քան 1 միլիոն 600 հազար երեխա-  
ներ։

☆ Անցյալում, գաղութային ռեժիմի պայմաննե-  
րում, ամբողջ Հնդկա-Չինում կար միայն մեկ բարձ-  
րագույն ուսումնական հաստատություն։ Այժմ Վյետ-  
նամի Դեմոկրատական Ռեսպուբլիկայում կա վեց  
բարձրագույն ուսումնական հաստատություն, որտեղ  
սովորում են մոտ 4 հազար ուսանողներ՝ ութ անգամ  
ավելի, քան 1939 թվականին ամբողջ Հնդկա-Չի-  
նում։

Երկրում ստեղծված է 14 մասնագիտական ուսում-  
նական հաստատություն։

☆ ՎԴՌ-ում հաջողությամբ զարգանում է գիտու-  
թյունը։ Ռեսպուբլիկայում արդեն բացվել են մի քանի  
գիտա-հետազոտական ինստիտուտներ։

☆ Վերջին երեք տարում ՎԴՌ-ում միայն վյետնա-  
մերեն լույս է ընծայվել մոտ 23 հազար օրինակ տա-  
րեր գիրք, 11,5 անգամով ավելի, քան 1939 թվականին։

## ԱՇԽԱՐՀԻ ՔԱՐՏԵՋԻ ԱՌՋԵՎ

### ԻՐԱՔԻ ՌԵՍՊՈՒԲԼԻԿԱՆ

(ՏՆՂՆԿԱՆՔ)

Իրաքը գտնվում է Մերձավոր Արևելքում և սահմա-  
նակցվում է Իրանի, Թուրքիայի, Միացյալ Արաբա-  
կան Ռեսպուբլիկայի, Հորդանանի, Սաուդական Արա-  
բիայի և Կուվեյտի հետ։ Նրա տեղիտորիան կազմում է  
444 հազար 400 քառակուսի կիլոմետր։ Բնակչությունը  
5 միլիոնից ավելի է, որի 80 տոկոսը արաբներ են, իսկ  
մնացածը՝ հայեր, քրդեր և այլ ազգությունների ներ-  
կայացուցիչներ։ Մայրաքաղաքն է Բաղդադը, որի  
բնակչությունը հաշվում է 552 հազար մարդ։ Երկրի  
մյուս խոշոր քաղաքներից են՝ Մոսուլը՝ 340 հազար,  
Բասրան՝ 306 հազար, Կիրկուկը՝ 148 հազար բնակ-  
չությամբ։

Երկրի էկոնոմիկայում հիմնական դերը պատկանում  
է գյուղատնտեսությանը, որը աչքի է ընկնում հողա-  
գործության և անասնաբուծության զարգացման ցածր  
մակարդակով։ Իրաքը հանգիստանում է տնտեսապիս-  
թույլ զարգացած երկիր, որտեղ դեռ մինչև այժմ էլ  
ուժեղ կերպով պահպանվել են ֆեոդալիզմի մնացուկ-  
ները։ Բնակչության շորսհինգերորդական մասը զբաղ-  
ված է գյուղատնտեսության մեջ, երկրում մշակվում



են՝ գարի, խուրմա, ցորեն, բրինձ, բամբակ և գյուղատնտեսական այլ կուլտուրաներ:

Երկրի մշակելի հողատարածությունները կազմում են 12 միլիոն հեկտար: Իրանից փաստորեն օգտագործվում է միայն 3 միլիոն հեկտար, որի մեծ մասը գրունդվում է խոշոր հողատերերի և զանազան ցեղապետների ձեռքին: Աշխատավոր գյուղացիները հողը վերցնում են ծանր պայմաններով և նրա օգտագործման համար վճարում են ստացած բերքի մոտ 70 տոկոսը: Բաղդադի շրջակայքում գտնվող հողատարածությունների մեծ մասը գտնվում է անգլիական կապիտալի ձեռքում:

Իրաքի ընդերքը չափազանց հարուստ է հանքային հանածոներով և հատկապես նավթով: Սակայն երկիրը չունի իր ազգային ծանր արդյունաբերությունը: Նավթի հարստությանը Իրաքը աչքի ընկնող տեղ է գրավում աշխարհում: Երկրի նավթի պաշարները գնահատվում են 2 միլիարդ 650 միլիոն տոննա: 1955 թվականին նավթի հանույթը կազմել է 34 միլիոն տոննա, 1956 թվականին՝ 31 միլիոն տոննա: Իրաքի էկոնոմիկայի զարգացումը խոչընդոտվել է իմպերիալիստների գաղութային քաղաքականության պատճառով: Անգլիական իմպերիալիստներն այդ երկիրը վեր էին ածել Անգլիայի ագրարային-հումքային կցորդի և իրենց ապրանքների վաճառահանման շուկայի: Այսպես, օրինակ, 1955 թվականին Իրաք է ներմուծվել այնպիսի ապրանքներ, որոնց արժեքը վեց անգամ գերազանցում է երկրի արտահանած ապրանքների արժեքը:

— 42 —

Իրաքի ամբողջ տերիտորիան բաժանված է անդլիական, ամերիկյան և ֆրանսիական նավթային մոնոպոլիաների՝ «Իրաք պետրոլեում կոմպանի», «Հանեկին օյլ» և այլ ընկերությունների միջև: Նավթային մոնոպոլիստները հանդիսանում էին երկրի փաստացի տերերը:

Իրաքի 13 հազար նավթագործները անխիղճ կերպով շահագործվում են այդ մոնոպոլիստների կողմից: Նախապատերազմյան մակարդակի համեմատությամբ ապրուստի մինիմումը երկրում 1954 թվականին բարձրացել է 4,3 անգամ այն դեպքում, երբ բանվորների ու ծառայողների աշխատավարձն այդ նույն ժամանակամիջոցում ավելացել է միջինը 2 անգամ:

Երկրի բնակչությունը համարյա լիովին զրկված էր բժշկական օգնությունից: Երկրում լայնորեն տարածված են թոքախտը, տրախոման և այլ հիվանդությունները: Բնակչության գերակշռող մասը (մոտ 83 տոկոսը) անգրագետ է:

Առաջին համաշխարհային պատերազմից հետո անգլիական կառավարությունը հակառակ իր բազմաթիվ այն խոստումներին, որոնք վերաբերվում էին Իրաքում անկախ պետության ստեղծելու հարցին, և խախտելով հաշտության պայմանագիրը, զորքեր մտցրեց Իրաք, օկուպացրեց նրա նավթով հարուստ տարածությունները և երկիրը դրեց կիսագաղութային կախման մեջ:

1920 թվականին Անգլիան ձեռք բերեց նոր ստեղծված Իրաքի պետության «մանդատը» և օրինականաց-



քեց այդ երկրի նկատմամբ իր գաղութային գերիշխանությունը:

Երկրորդ համաշխարհային պատերազմից հետո ուժեղ կերպով սկսեցին Իրաք ներթափանցել ԱՄՆ-ի մոնոպոլիստները, որոնք աստիճանաբար նեղելով անգլիական և ֆրանսիական մոնոպոլիստներին, սկսեցին իրենց ձեռքը գցել ոչ միայն նավթի, այլև բրդի, կաշվի և գյուղատնտեսական այլ մթերքների արտահանման և արդյունաբերական ապրանքների ներմուծման մենաշնորհը:

Զավթելով երկրի հիմնական կենսական աղբյուրները, իմպերիալիստները ոսկու և սվինի օգնությամբ տնօրինում էին Իրաքի ներքին կյանքն ու պետության արտաքին քաղաքականությունը: Իմպերիալիստների ակտիվ պաշտպանության վրա էր հիմնաված նախկին թագավոր Ֆեյսալի և անգլիական իմպերիալիզմի շահերի պաշտպան, Իրաքի ժողովրդի ռեսերիմ թշնամի Նուրի Սաիդի դաժան դիկտատուրան:

1954 թվականի ապրիլին ԱՄՆ-ը Իրաքի կառավարող շրջանների հետ կնքեց այսպես կոչված ռազմական «օգնության» վերաբերյալ համաձայնագիրը, որով Իրաքը իր համաձայնությունը տվեց մասնակցելու Միջին և Մերձավոր Արևելքում արևմտյան իմպերիալիստների կողմից ստեղծվող ռազմական բլոկին:

1955 թվականի հունվարին Իրաքի կառավարող շրջանները հնազանդորեն կատարելով Արևմուտքի իրենց տերերի ցուցումը, խզեցին դիվանագիտական հարաբերությունները Սովետական Միության հետ:

— 44 —

1955 թվականի փետրվարի 24-ին Բաղդադում Թուրքիայի և Իրաքի միջև կնքվեց մի համաձայնագիր, որով Իրաքը պաշտոնապես միացավ Թուրք-պակիստանյան ագրեսիվ պակտին: 1955 թվականի ապրիլին այդ պակտին միանալու մասին հայտարարություն արեց անգլիական կառավարությունը: Իրաքի ամբողջ տերիտորիան և զինված ուժերը Նուրի Սաիդի և նրա նման ծախու կառավարողների կողմից սիրով հանձնվեց իմպերիալիստներին՝ նրանց ագրեսիվ պլանների իրագործմանը ծառայեցնելու համար: Այդպես հիմք դրվեց Բաղդադի տխրահռչակ պակտին, որին իմպերիալիստների ռազմական պլաններում կարևոր դեր էր հատկացված Արևելքի ժողովուրդների ազատագրական պայքարը խեղդելու և սոցիալիստական լագերի երկրներ ղեմ պատերազմ վարելու գործում:

Միաժամանակ անգլո-ամերիկյան իմպերիալիստները ձգտում էին Իրաքը վերածել «Տրոյական ձիու» ուրի միջոցով նրանք աշխատում էին պառակտում առաջացնել արաբական ժողովուրդների մեջ և քայքայել նրանց կուռ միասնությունը: Նրանց այդ մտադրությունը լրիվ պարզ դարձավ այն ժամանակ, երբ Նգիպտոսի և Սիրիայի պառլամենտները ընդառաջելով իրենց երկրների ժողովուրդների ցանկություններին, որոշում կայացրին այդ երկու երկրները միավորելու և Միացյալ Արաբական Ռեսպուբլիկա ստեղծելու մասին: Իմպերիալիզմի հլու կամակատար Նուրի Սաիդը ի

— 45 —



հակակշիռ այդ միացյալ արաբական պետության, արհեստականորեն ստեղծեց այսպես կոչված Արաբական ֆեդերացիան, որի կազմի մեջ մտան Իրաքը և Հորդանանը:

Իրաքի աշխատավոր ժողովուրդը և բոլոր հայրենասերները երբեք չեն դադարեցրել իրենց պայքարը իմպերիալիզմի գործակալների դեմ, հանում երկրի ազգային անկախության և ինքնուրույնության: Իրաքի ժողովրդի ազգային ազատագրական պայքարը նոր խափով ծավալվեց 1956 թվականի վերջերին, Նգիստոսի նկատմամբ անգլո-ֆրանսիական ագրեսիայի օրերին և դրանից հետո: Իրաքի հայրենասերներն այդ ժամանակ Նուրի Սաիդի կառավարությունից պահանջում էին անհապաղ խզել հարաբերությունները Անգլիայի հետ, դուրս գալ Բաղդադի իմպերիալիստական պակտից և բոլոր ուժերով պաշտպանել Նգիստոսի արդար գործը: Ներքաղաքական դրությունն Իրաքում էլ ավելի սրվեց, երբ հայտնի դարձավ, որ Սիրիայի անկախ պետության դեմ նյութած իմպերիալիստական դավադրության ակտիվ մասնակիցներից մեկը Իրաքն է: Իրաքի հուզված աշխատավորները, ինտելիգենցիան, բանակի որոշ զորամասեր համառորեն պահանջում էին պրեմիեր-մինիստր Նուրի Սաիդի հրաժարականը: Երկրի խոշոր քաղաքներում՝ Բաղդադում, Մոսուլում գործադուլ էին անում բանվորներն ու ծառայողները: Հորդանանում գտնվող զորամասերը հրաժարվեցին կատարել Նուրի Սաիդի հրամանը՝ Իրաք

— 46 —

վերադառնալու մասին: Սակայն իմպերիալիստներին և նրանց տեղական գործակալներին հաջողվեց ավելանգամ ևս ճնշել ժողովրդական ազատագրական շարժումը:

Ինչպես վերջերս հայտնի դարձավ, Իրաքի բանակի մի խումբ հայրենասեր սպաներ ամբողջ բանակի և ժողովրդի ակտիվ աջակցությամբ տապալեցին ռեակցիոն թագավորական իշխանությունը երկրում և Իրաքը հռչակեցին ռեսպուբլիկա: Իրաքի ռեսպուբլիկայի նորաստեղծ կառավարության առաջին քայլը եղավ Բաղդադի ագրեսիվ պակտից Իրաքի դուրս գալը, որի լուրը ցնծությամբ դիմավորեց երկրի ամբողջ ժողովուրդն ու բանակը: Արդել Քերիմ Կասեմի գլխավորած նոր կառավարությունը հրապարակեց մի շարք դեմոկրատական միջոցառումներ, վերացվեցին թագավորական իշխանության սահմանած բոլոր տնտեսական և կոռուպցիոն, արգելվեց ռեակցիոն թերթերի հրատարակությունը, Լիբանանի ազատասեր ժողովրդի ապստամբությունը ճնշելու համար այնտեղ գտնվող Իրաքյան զորամասերը ետ կանչվեցին և այլն:

Իրաքի Ռեսպուբլիկայի հռչակումը ուրախությամբ ընդունեցին սոցիալիստական լազերի երկրների ժողովուրդները և աշխարհի բոլոր խաղաղասեր ժողովուրդները: Իրաքի ռեսպուբլիկան արդեն միջազգային լայն ճանաչում է գտել շատ երկրների կառավարությունների կողմից: Նրա համայնման մասին անմիջապես պաշտոնական հարաբերություններ են արեցին





ՍՍՌՄ-ը և սոցիալիստական լազերի բոլոր պետութ-  
յունները, Միացյալ Արաբական Ռեսպուբլիկան, Հնդ-  
կաստանը, Ինդոնեզիան, Սուդանը, Եմենը և այլ եր-  
կրներ:

Իրաքում ռեսպուբլիկա հռչակվելու լուրը կատաղու-  
թյան ալիք առաջ բերեց իմպերիալիստների լազերում:  
Ցանկանալով ինչ գնով էլ որ ուզում է լինել անմի-  
ջապես խեղդել Իրաքի և Լիբանանի ազատասեր ժո-  
ղովուրդների ազգային-ազատագրական շարժումը և  
վերականգնել ռեակցիոն-ոստիկանական նախկին ռե-  
ժիմը Իրաքում, ինչպես նաև ծախու կառավարողների  
տիրապետությունը Լիբանանում, ԱՄՆ-ի և Անգլիայի  
կառավարող շրջանները անհապաղ դորքեր մտցրին  
Լիբանան և Հորդանան ու բացահայտ ագրեսիա սկսե-  
ցին այդ երկրներում:

Աշխարհի բոլոր խաղաղասեր ժողովուրդները բարձ-  
րացրին իրենց բողոքի հուժկու ձայնը ի պաշտպա-  
նություն Իրաքի, Լիբանանի և Հորդանանի ժո-  
ղովուրդների ազատագրական պայքարի և պահանջեցին  
անհապաղ դուրս բերել բոլոր օտարերկրյա զորքերը  
այդ երկրներից: Իմպերիալիստների համար լուրջ նա-  
խազգուշացում հանդիսացավ ՍՍՌՄ-ի կառավարու-  
թյան ձեռնարկած արագ միջոցառումները իմպերիա-  
լիստական ագրեսիայի հետագա ծավալումը կանխե-  
լու համար:

Մ. ՀՈՎՀԱՆՆԻՍՅԱՆ

## СОДЕРЖАНИЕ

стр.

### МАТЕРИАЛЫ ДЛЯ БЕСЕД

Голос миролюбивых народов . . . . . 1

### В ПОМОЩЬ РУКОВОДИТЕЛЯМ

#### АГИТКОЛЛЕКТИВОВ

А. Кетанджян—О некоторых формах массо-  
во-политической работы среди трудя-  
щихся . . . . . 10

### ИЗ ОПЫТА АГИТАЦИОННОЙ РАБОТЫ

Х. Мартиросян—Беседа о выполнении взя-  
тых обязательств . . . . . 18

### ИСПОЛЬЗУЙ ВО ВРЕМЯ БЕСЕДЫ

Новые успехи народного хозяйства СССР  
(цифры и факты) . . . . . 23

Химия служит на благо народа . . . . . 30

### В СТРАНАХ НАРОДНОЙ ДЕМОКРАТИИ

Культурное строительство в азиатских стра-  
нах народной демократии . . . . . 33

### ПЕРЕД КАРТОЙ МИРА

М. Оганисян—Республика Ирак (справка) . . . 41

Խմբագիր՝ Վ. ԲՋՆՈՒՆԻ